



## Protocol

dalla radunonza generala dalla  
Uniun Archiv cultural Sumvitg

Sonda, dils 27 d'avrel 2024 allas 16:00 en sala dalla casa  
da scola a Surrein

### Tractandas

1. Beinvegni
2. Elecziun da 2 dumbravuschs
3. Approbaziun dil protocol dalla radunonza dils 02-09-2022
4. Approbaziun dil rapport annual 2023
5. Approbaziun dils rendaquens 2022 e 2023 e dil rapport dils revisurs
6. Fixaziun dalla contribuziun annuala
7. Midadas da statutas
8. Tractaziun dil program da lavur
9. Tractaziun da propostas da commembras e commembers
10. Orientaziuns
11. Varia

### Program cultural

Viseta egl Archiv cultural Sumvitg a partir dallas 14.00. Dalla caschun da visitar e dar ina fuffernada ellas novas e veglias trovaglias han numerus commembers e numerusas commembras fatg diever.

### Radunonza generala

1.	<p><b>Beinvegni</b> Cun grond plascher beneventa president Walter Deplazes, Surrein, tuts presents en num dalla suprastonza alla sisavla radunonza generala dall'Uniun Archiv cultural Sumvitg. In bi diember ha dau suatientschja alla invitaziun ed ein oz vegni per seschar informar sur dil curriu e passau dapi la davosa radunonza generala. En special beneventa el president communal Patrick Schaniel, Sumvitg. Tenor artechel 9 dallas statutas ei la hodierna radunonza vegnida convocada entras il FUS e per e-mail. Cull'invitaziun han tuts era survegniu la gliesta da tractandas. Cun l'accordanza da quella sa il president arver la radunonza generala pils onns da gestiun 2022 e 2023.</p> <p>Las suandontas persunas han schau perstgisar per la radunonza hodierna: genau Gion Battesta Huonder, Cumpadials, commember da suprastonza; Giusep Bearth, Sumvitg, revisur da quen; sora Gelia Degonda, Ingenbohl; Fabian Collenberg, Sumvitg; Marcus Duff, Laus; Leonard Cavegn, Glion; Leci Deplazes, Surrein; Renata Gienal, Igis e Lucas Deplazes, Berna.</p>
2.	<p><b>Elecziun da dus dumbravuschs</b> Sco dumbravuschs vegn Armin Candinas, Rabius, eligius. La presenza muossa 25 persunas.</p>
3.	<p><b>Approbaziun dil protocol dalla radunonza dils 2 da settember 2022</b> Il protocol vegn buca prelegius, el ei staus publicaus silla pagina d'internet dall'uniun sco era pendius ora avon radunonza el foyer dalla scola. Cun tscherna unanima vegl il protocol approbaus cun admetter engraziament al nuder.</p>

4.	<p><b>Approbaziun dil rapport annual</b></p> <p><b>Radunonza generala 2022</b>  Avon varga in onn, ils 2 da settember 2022, essan nus s'entupai tier nossa tschunavla radunonza generala cheu ell'aula dalla casa da scola da Surrein. La buna presenza da 27 persunas ei probabel d'engraziar al hosp special da lu, a Peter Egloff che ha alla fin dalla radunonza aviert siu enorm arcun d'experientschas e dau in sguard sin ses multifars e fetg interessants camps d'actividad en ed ordeifer la Svizra.</p> <p>Avon radunonza ei igl archiv sco usitau staus aviarts per in e scadin. Da quella caschun ha in bi diember da commemoras e commembers fatg diever. Propostas, discussiuns, ideas e purschidas da material ein sefatgas els discuors denter ils interessai ed ils responsabels digl archiv.</p> <p>Suenter radunonza havein nus gudiu in excellent apero preparaues dall'ustria Placi Pign che ha lu era carmalau da star e dar in paterlada. Sper Peter Egloff ha era Felix Giger, igl anteriur cauredatur dil Dicziunari Rumantsch Grischun ed anteriur vischin da Surrein, priu part dalla radunonza.</p> <p><b>Igl archiv cultural</b>  Tenor il program da lavur ei igl archiv vegnius aviarts pliras gadas l'emprema sonda dil meins naven dallas 10:00 entochen allas 12:00 per tut tgi che leva dar in'egliada viaden ellas archivalias. Era sch'ei ha buca dau biaras visetas, lein nus tuttina tener quella purschida. Dapli visetas havein nus giu sin damonda e quei da singulas persunas ni era da gruppas.</p> <p>Ina persuna che fa bein savens diever digl archiv ei nies commember Clau Solèr. Era sco professor emeritau eis el fatschentaues cun numerusas lavurs scientificas e drova perquei adina puspei ina u l'otra informaziun ord igl archiv. A caschun da quellas visetas porta el bein savens era trovaglias ord siu immens fundus dad indrezs, maschinas ed apparats da tuttas sorts ed uisas per exponer en nossa vitrina da raritads. Cun descripziun detagliada e sch'ei drova era culla batteria adequata san ins metter en funcziun e moviment quasi mintga appart ch'el ha exponiu egl archiv. Quellas parts musealas dattan a nies archiv ina tempru tut speciala e perquei era in tut special grond engraziament al Clau persuenter.</p> <p><b>2022</b>  Ils 11 da december 2022 havein nus giu il di dallas portas aviartas egl archiv. In grond diember da visitadras e visitaders, giuvens e pli vegls, han priu la caschun da mirar viaden en nies arcun cultural. Tier petta e caffè han ins udiu da tuttas historias da pli baul.</p> <p>Ils 27 da mars 2023 havein survegniu il talèr da Blandina Degonda-Cavelti. Sias feglias han regalau quel agl archiv ed ussa eis el sil surcombras dalla casa da scola e spetga leu sin vegnir duvraus ni exponius.</p> <p>Era sche nus rimnein buca explicit caussas musealas, schein nus buca na sch'enzatgi vul regalar in interessant toc agl archiv. Sil surcombras ha ei aunc massa plaz.</p> <p><b>2023</b>  In mardis dil meins zercladur 2023 ha la cumissiun da cultura da nossa vischnaunca cul president Vitus Bass visitau igl archiv cultural e seschau informar sur dils scazis ch'ins anfla en quel.</p> <p>Ils 3 da december 2023, per la fiasta da sogn Leci, il partun da nies uestgiu, ha igl archiv cultural envidau al di dallas portas aviartas. Aunc mai han tontas persunas visitau nies archiv. Per muments era la stanza fullanada pulitamein ed il tschaffen da mirar e fuffergnar en scatlas, cudischs, gasettas, albums ed auter bia era omnipresents, propi in bien di dallas portas aviartas. La seria da fotografias veglias presentada ella stiva da caffè ha motivau da star in tec pli ditg. In grond engraziament ad Alice Wieland che ha fatg l'ustiera quei di ed era las bunas pettas. Gia per la secunda gada ha il club 101 da Rabius visitau igl archiv cultural e quei ils 27 da december 2023.</p> <p><b>Excursiun culturhistorica</b></p>

La sonda dils 27 da matg 2023 havein ensemen cul Forum cultural Tujetsch organisau il viadi cultural tradiziunal che ha menau in pulit diember da participontas e participonts a Val Sogn Pieder.

Il guid da Val ha menau tras il vitg, mussau il luvratori dil calger ed auter bia e lu era raquintau da tuttas historias sur dils gualsers dalla Val Sogn Pieder e co quels trafficavan avon onns ed onns. Alla fin ha in pushegn envidau tuts sin plaz Cadruvi avon l'ustria Steilalva.

#### **Lavur egl archiv**

Duront plirs dis da lavur ein ils suprastonts Tarcisi Hendry, Pieder Wieland, Gion Lutz e Werner Degonda s'occupai cun differentas lavurs digl archiv, sco per exempel scriver las gliestas dil cuntegn dallas scatlas, far igl inventari dils cudischs e sortir e metter ensemen las annadas dallas gasettas romontschas.

Culla generusa donaziun da Gion Lutz dad in grond diember d'annadas cumpletas dalla Gasetta Romontscha eisi ensemen cullas gasettas rimnadas da commembras e commembers reussiu da metter ensemen cun singulas gasettas che mauncan, tuttas annadas cumpletas naven da 1900 entochen 1989, che dattan 87 toms, in scazi fetg prezios. Al Gion Lutz ed a tut quels che han surdau gasettas a nus in grond engraziament persuerter.

Il pli savens d'anflar egl archiv ei il Pieder Wieland. El procura che tuttas scatlas ein etichettadas endretg e che lur cuntegn ei spert d'anflar. El ha digitalisau in grond diember da fotografias ed aschia procurau che quellas san vegnir presentadas als visitaders ed in iteressai. El vegn lu alla fin dalla radunonza a mussar enzaconts schatgs da sia lavur. A vus quater engraziel grondamein per vossa zun prezziada lavur per nies archiv.

#### **Commembras e commembers**

Actualmein havein ina gliesta cun 175 commembras e commembers, enzatgei dameins che 2022.

#### **Trapassada**

Dapi la davosa radunonza ha il destin dalla mort tuccau ad ina commembra, **Maria Ursula Derungs** da Rabius, ch'ei morta ils 18 da matg 2023. Nus lein seregurdar dad ella cun star sin peis per in memento.

#### **Art d'informar**

Interessantas ed actualas informaziuns survegnan ils commembers/as adina sin nossa pagina d'internet. Grond engraziament agl actuar che tegn quella adina actuala.

#### **Engraziaments**

Per la finiziun da miu rapport astgel jeu engraziar. Cordialmein engraziel a tut quellas e quels che ein s'engaschai dapi la davosa radunonza generala en favur da nies archiv, en special a tut tgi che ha purtau quei ni tschei object per archivar ed era a quels che han motivau auters da far quei.

In engraziament tut special admittel als consuprastonts Tarcisi Hendry, Pieder Wieland, Gion Lutz, Werner Degonda e Gion Battista Huonder per la fetg buna collaboraziun e lur grond engaschi per nies archiv.

Jeu engraziel grondamein alla vischnaunca da Sumvitg che nus astgein duvrar la stanza digl archiv gratuitamein ed jeu sperel che quella generusa purschida semantegni aunc biars onns.

A vus tuts che essas vegni oz cheu engraziel per vossa preschientscha e vies sustegn ed jeu supplicheschel vus era uonn danovamein da motivar vus sez e vos confamiliars, parents ed enconuschents da purtar agl archiv cultural tut quei ch'ei vegniu rimnau e mereta da vegnir conservau en in liug segir per vus per nus e per nos vegnentsuerter. Communablamein lein nus vinavon emplenir nies archiv cun nossa immensa ierta culturala.

Walter Deplazes, president

Unanimamein e cun engraziament vegn il rapport annual approbaus.

5.	<p><b>Approbaziun dil rendaquen 2022 e 2023 e dil rapport dils revisurs</b>  Cassier Pieder Wieland pren il plaid presenta ed explichescha ils dus quens dils onns 2022 e 2023. Ord la survetsa digl entir quen lai el resertir, commentar ed explicar entginas cefras impurtontas:</p> <p>Entradas specialas</p> <table border="1" data-bbox="296 421 1142 658"> <tr><td>2022</td><td>Contribuziun dalla Regiun Surselva</td><td>4500.00</td></tr> <tr><td></td><td>Contribuziuns dils commembers/ras</td><td>4110.00</td></tr> <tr><td></td><td>Cumpart alarm da fiug</td><td>2133.00</td></tr> <tr><td>2023</td><td>Cumpart alarm da fiug</td><td>2363.00</td></tr> <tr><td></td><td>Contribuziun dalla Regiun Surselva</td><td>4500.00</td></tr> <tr><td></td><td>Contribuziuns dils commembers/ras</td><td>3761.00</td></tr> <tr><td></td><td>Bunamanas</td><td>500.00</td></tr> </table> <p>Expensas pli grondas</p> <table border="1" data-bbox="296 763 1142 898"> <tr><td>2022</td><td>Novas crunas</td><td>5463.00</td></tr> <tr><td></td><td>Manteniment alarm da fiug</td><td>3031.00</td></tr> <tr><td>2023</td><td>Manteniment alarm da fiug</td><td>2823.00</td></tr> <tr><td></td><td>Digitalisaziun da films</td><td>1098.00</td></tr> </table> <p>Survetsa dils onns 2022 e 2023</p> <table border="1" data-bbox="296 1003 1142 1115"> <thead> <tr><th></th><th>Entradas</th><th>Expensas</th><th>+/-</th><th>Saldo</th></tr> </thead> <tbody> <tr><td>2022</td><td>10744.40</td><td>11279.45</td><td>-535.05</td><td>34'417.39</td></tr> <tr><td>2023</td><td>11'125.00</td><td>6051.15</td><td>+5'073.8</td><td>39'491.24</td></tr> </tbody> </table> <p><b>Rapport dils revisurs Augusta Gadola e Giusep Bearth</b>  En num dils dus revisurs pren revisura Augusta Gadola, Mustér, il plaid. La contabilitad dalla uniun seigi buca aschi extendida sco ina fatschenta gronda, mo era cheu drovi ei in bien contabilist ed ina revisiun. Els hagian comunablamein controllau ils quens en preschientscha dil cassier ed els sappien confirmar che expensas ed entradas seigien vegnidas registradas correctamein. Il cassier hagi saviu dar cumplein sclariment. Grond engraziament admetta ella al cassier ed a tuts funcziunaris ed engrazia a commembras e commembers per il sustegn finanziel. Ils dus revisurs supplicheschan d'approbar ils dus quens 2022 e 2023. Cun tscherna unanima vegnan ils dus quens approvai cun admetter engraziament al cassier ed als commembers dalla suprastanza per lur lavur.</p>	2022	Contribuziun dalla Regiun Surselva	4500.00		Contribuziuns dils commembers/ras	4110.00		Cumpart alarm da fiug	2133.00	2023	Cumpart alarm da fiug	2363.00		Contribuziun dalla Regiun Surselva	4500.00		Contribuziuns dils commembers/ras	3761.00		Bunamanas	500.00	2022	Novas crunas	5463.00		Manteniment alarm da fiug	3031.00	2023	Manteniment alarm da fiug	2823.00		Digitalisaziun da films	1098.00		Entradas	Expensas	+/-	Saldo	2022	10744.40	11279.45	-535.05	34'417.39	2023	11'125.00	6051.15	+5'073.8	39'491.24
2022	Contribuziun dalla Regiun Surselva	4500.00																																															
	Contribuziuns dils commembers/ras	4110.00																																															
	Cumpart alarm da fiug	2133.00																																															
2023	Cumpart alarm da fiug	2363.00																																															
	Contribuziun dalla Regiun Surselva	4500.00																																															
	Contribuziuns dils commembers/ras	3761.00																																															
	Bunamanas	500.00																																															
2022	Novas crunas	5463.00																																															
	Manteniment alarm da fiug	3031.00																																															
2023	Manteniment alarm da fiug	2823.00																																															
	Digitalisaziun da films	1098.00																																															
	Entradas	Expensas	+/-	Saldo																																													
2022	10744.40	11279.45	-535.05	34'417.39																																													
2023	11'125.00	6051.15	+5'073.8	39'491.24																																													
6.	<p><b>Fixaziun dalla contribuziun annuala</b>  La suprastanza propona da fixar la contribuziun pigl onn 2024 sco tochen dacheu sin 20 francs per persunas singulas e 30 francs per conjugals. Ord il miez dat ei neginas objecziuns e la proposta dalla suprastanza vegn acceptada unanimamein.</p>																																																
7.	<p><b>Midadas da statutas</b>  Orientaziun dil president:  Tenor nossas statutas duei la radunonza generala haver liug mintg'onn. Muort la pandemia ei il datum dalla radunonza generala 2022 stada pér igl atun. Per saver fixar il program da lavur duei la radunonza haver liug ell'emprema mesadad digl onn. Aschia ha la suprastanza decidu per 2023 da buca clamar a radunonza mo paucs meins suenter quella dil 2022 e da far la proxima radunonza pér 2024. Ella discussiun en suprastanza ei lu era l'idea naschida da far la radunonza generala mo mintga dus onns. Perquei propona la suprastanza la corrispudenta revisiun dallas statutas.</p> <p><b>Art. 9 La radunoza generala</b></p>																																																

	<p><b>actual:</b> Ella vegn tenida ina gada ad onn ...  <b>niev:</b> Ella vegn tenida <b>mintga dus onns</b> ...</p> <p><b>Art. 13 Suprastonza</b>  <b>actual:</b> Il temps d'uffeci cuoza treis onns.  <b>niev:</b> Il temps d'uffeci cuoza <b>dus</b> onns.</p> <p><b>art. 15 Ils revisurs da quen</b>  <b>actual:</b> Ils dus revisurs da quen vegnan elegi dalla radunonza generala per ina perioda da treis onns.  <b>niev:</b> Ils dus revisurs da quen vegnan elegi dalla radunonza generala per ina perioda da <b>dus</b> onns.</p> <p>Ord il miez dils presents dat ei neginas damondas ed era negina discussiun. Cun tscherna unanima vegnan tut treis artechels approvai.</p> <p>Las statutas vegnan proximamein adattadas tenor il conclus dad oz, ils 27 d'avrel 2024.</p>
8.	<p><b>Program da lavur 2024</b>  Il program da lavur preparaus dalla suprastonza vegn presentaus entras igl actuar.</p> <p><b>Excursiun culturhistorica</b>  Gia dapi entgins onns ha quella liug la primavera comunablamein cullas commembras e commembers dil Forum cultural Tujetsch. Uonn meina l'excursiun culturhistorica ella Val Medel. Denter S. Gagl a Curaglia presenta sur Giusep Venzin, entginas capluttas e baselgias medelinas. A Curaglia visitein nus l'actuala exposiziun da fotografias e films en La Vitrina. Silsunter serendin nus per in pushegn a Mutschnengia, buca senza visitar la caplutta en quei uclaun. L'occurrenza ha liug ils 18 da matg 2024 suentermiezd.</p> <p><b>Lavur egl archiv</b>  <b>Gasettas Romontschas</b>  El ecuors digl onn 2023 ein tuttas Gasettas Romontschas vengidas ordinadas. Pil ligiacudischs eis ei cunvegnet da cavegliar quellas exactamein ina sur l'autra. Quella lavur succeda proximamein. Nossa schelta da GRs cumpeggia ils onns denter 1900 e 1989. Deplorablamein mauncan entgins numers, aschia igl onn 1969 nr. 73; 1956 nr. 79; 1954 nr. 41. Igl onn 1960 maunca completamein. Las singulas gasettas ein pussevlas da completar cun copias; mender ei da survegnir in'entira annada –la speronza ei denton cheu. Sunter la lavur dil ligiacudischs dumbra la retscha da gasettas 87 toms. Ils cuosts muntan a rodund 10'000 frs.</p> <p><b>Periodicas</b>  Quellas basegnan ina controlla, pia repassar e dumbrar. Lu inventarisar e plazzar las meglieras egl archiv. Dublettas vegnan plazzadas en nies magaziu el plantiu dalla scola.</p> <p><b>Archivalias</b>  Cuntinuar cun l'ordinaziun dil material dil relasch da dr. Paul Tomaschett, Lucerna/Trun.  Ordinar ed actualisar il material niev.</p> <p><b>Actualisar nossa pagina d'internet</b>  Sut "register" ein nossas archivalias, nossa bibliotecas e nossas fotos d'anflar. Ina cuntinuada actualisaziun dallas tabellas ei absolut necessari. Las fotos ein ina grondiusa purschida per tuts interessai e perquei eis ei impurtont dad adina pusper cargar la plattafuorma nossaistorgia cun novas fotos.</p> <p><b>Avertura digl Archiv Cultural Sumvitg</b>  Igl archiv ei era uonn aviarts sin damonda e las suandontas sondas:</p>

	<p>- sonda, igl 1. da zercladur 2024 mintgamai denter las 10 e las 12  - sonda, ils 7 da settember 2024 mintgamai denter las 10 e las 12  - sonda, ils 2 da november 2024 mintgamai denter las 10 e las 12  Il di dallas portas aviartas ei fixaus sin dumengia, igl 1. da december 2024, denter las 13.00 e 16.00. Las purschidas da quei di ein: Viseta egl archiv cun accumpignament dils archivars; presentaziun da films en halla da gimnastica/aula; ustria el foyer dalla scola</p> <p><b>En general</b>  Tuttas informaziuns a commembras e commembers succedan per e-mail ni cun in inserat el FUS. - Visetas egl archiv cultural ein da tut temps pusseivlas. Fetg bugen beneventein nus era gruppas ed uniuns. Annunzias ein pusseivlas per e-mail ni tier in suprastont dalla UACS. - Tals e talas che luvrassen bugen egl archiv san bugen s'annunziar tiegl archivar ni tier la suprastonza. - Ulteriuras informaziuns ein d'anflar sin <a href="http://www.archivcultural-sumvitg.ch">www.archivcultural-sumvitg.ch</a>.  Igl actuar apellescha a tuts presents da s'engaschar pil svilup digl archiv cun far attents vischinas e vischins sin la pusseivladad da surdar material cultural agl archiv.</p>
9.	<p><b>Propostas da comembras e commembers</b>  Da quella pusseivladad eis ei buca vegniu fatg diever.</p>
10.	<p><b>Orientaziuns</b></p> <p><b>Plattafuorma da datas</b>  Pli u meins a caschun da mintga radunonza dils davos onns havein nus informau che nus seigien alla tscherca dad in program che lubescha dad arcunar e da presentar nos scazis, en special fotografias, e quei sin nossa pagina d'internet. Aschia havein nus priu en mira dad applicar il program che vegn duvraus digl Archiv cultural dall'Engiadina Aulta e ch'ei era vegnius sviluppaus leu. Igl Archiv cultural dalla Foppa drova gia quei program ed aschia era ei atgnamein indicau ch'ils archivs culturals da Tujetsch, Lumnezia e Sumvitg prendien era quel per lur archiv. Suenter differentas sedutas ed examinaziuns e sin fundament dil fatg ch'il sviluppader da quei program dat buca la segirtad dad ina buna continuaziun dil program suls onns ora, havein nus, ils archivs culturals da Tujetsch, Lumnezia e Sumvitg decidiu da desister dad in tal program e da duvrar las plattafuormas existentas per presentar specialmein nossas fotografias. Per la presentaziun dils ulteriurs scazis en nies archiv havein nus anflau in'otra varianta pli semplia ed era pli praticabla.</p> <p><b>Activitads cantunalas per la cultura grischuna</b>  La preschientscha sin differentas plattafuormas culturalas ei impurtonta e necessaria pigl archiv cultural. Quella caschun havein nus priu e fatg part dil <i>Portal dils beins culturals dil Grischun</i>  Mardis, ils 16 d'avrel 2024 ei quella instituziun culturala ida online cun la pagina d'internet cul num <a href="http://portacultura.gr.ch">portacultura.gr.ch</a>. Igl Archiv cultural Sumvitg ei presents cun entginas scartiras ed objects museals ord igl archiv. Aschia per semeglia: il murter da Surrein, il document dil barschament da Surrein 1811, troccas, la bandiera da scola da Sumvitg, memorias da morts e cartas religiusas.  <i>Scazis grischuns fan viadi</i>  Il Grischun festivescha il giubileum da 500 onns las Treis Ligias. Igl archiv cultural fa era part dalla exposiziun ambulonta atras gl'entir Grischun. Dils 9 entochen ils 19 da matg 2024 ei quella a Mustér sin la piazza da scola Via Cons. Ils 11 da matg 2024 vegn dau la caschun da purtar scazis ed ina spassgiada culturala meina a Sedrun el Museum La Truaisch. Igl archiv cultural ei presents cul murter da Surrein ord nies archiv.</p>
11.	<p><b>Varia</b>  Augusta Gadola exprima il giavisch da publicar ils termins silla pagina d'internet</p>

	cun aschuntar davontier il di dalla jamna.
<b>12.</b>	<p><b>Finiziun</b>  Il president sa serrar la radunonza generala pils onns da gestiun 2022 e 2023. El giavischa a tuts in bi temps, sanadad e da gie buca emblidar igl archiv cultural che spetga vinavon sin in enrihament cultural.  Cul giavisch d'in a bien seveser alla radunonza generala pigl onn da gestiun 2025 va ina emperneivla radunonza a fin.</p> <p>Suenter radunonza ein tuts envidai ad in apero on zulèr che vegn uonn survius dall'Yvonne Monn, l'ustiera dalla Cruna vi Sumvitg.  Cun quei siara nies versau president la radunonza generala 2022/2023 e giavisch a tuts in bi temps: "Stei sauns e buca emblidei, igl archiv cultural spetga vinavon sin Vies sustegn. Sin bien seveser alla radunonza generala 2025".</p>
	<p><b>Program final</b>  <b>Informaziun davart nossa pagina d'internet</b>  Ils dus commembers dalla suprastonza ed archivars presentan nossa pagina d'internet.  Igl actuar presenta sco empren la pagina «register». Quella cumpeglia sut «Actas e documents» ina survesta dil cuntegn dallas rodund 250 scatlas cun documents, brevs, contracts, protocols e bia auter. Nies pign museum ei documentaus sut: «Rauba museala, dessegn, fotos, purtrets». Il link «Fotos» meina silla pagina da nossaistorgia. Sut «Bibliotecas» ein tuts nos cudischs d'anflar. Igl actuar fa in excuors atras differentas spartas, muossa la funcziunalitad e dat sclariment.  Ina viseta tiels ulteriurs archivs sursilvans muossa lur activitad e lur trovaglias culturalas.  Il cassier Pieder surpren da presentar la sparta fotografias. Cun smaccar sil plaid/link «Fotos» arriva el directamein silla pagina da fotos digl Archiv cultural Sumvitg tier la plattafuorma nossaistorgia. Cun varga 300 fotos ei igl archiv plazzaus e representaus bein. La schelta ei gondiusa. Pieder muossa co encurir e co luvrar culla pagina.  La presentaziun da nossa pagina ha giu buna accoglientscha ed aviert ils egls a beinenqualin. Mo oravontut svegliau las marveglias da vistar nossa pagina d'internet.</p>

Sedrun, igl 1. da matg 2024

Walter Deplazes  
president



Tarcisi Hendry  
actuar

